

*Komisija za izbor i imenovanje/
Povjerenstvo za izbor i imenovanje*

Комисија за избор и именовање

Broj:01/6-02-1559/22-1
Sarajevo, 26.07.2022. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 26-07-2022			
Org. jed.	Broj	Priloga	Vrijednost

**PREDSTAVNIČKOM
DOMU PARLAMENTA FEDERACIJE BiH**

Komisija za izbor i imenovanje Predstavničkog doma Parlamenta Federacije BiH je na 19. sjednici, održanoj 26.07.2022. godine, razmatrala sljedeći

DNEVNI RED

1. Usvajanje Izvoda iz zapisnika 17. i 18. sjednice Komisije za izbor i imenovanje
2. Utvrđivanje prijedloga za imenovanje Nezavisnog odbora
3. Utvrđivanje prijedloga za imenovanje Odbora za žalbe građana
4. Tekuća pitanja.

Na osnovu člana 44. Poslovnika Predstavničkog doma, Komisija Domu podnosi sljedeći

IZVJEŠTAJ

AD-1

Usvajanje Izvoda iz zapisnika 17. i 18. sjednice Komisije za izbor i imenovanje

Zapisnici sa 17. i 18. sjednice Komisije za izbor i imenovanje usvojeni su jednoglasno, bez primjedbi i sugestija.

AD-2

Utvrđivanje prijedloga za imenovanje Nezavisnog odbora

Na početku rasprave o ovoj tački dnevnog reda, predsjednik Komisije za izbor i imenovanje Mladen Bošković dao je riječ predsjedniku Radne grupe Komisija za izbor i imenovanje oba doma Parlamenta FBiH Mariu Mikuliću da obrazloži izvještaj Radne grupe.

Predsjednik Radne grupe, gospodin Mario Mikulić, koji je član ove Komisije, upoznao je članove Komisije sa aktivnostima Radne grupe i obrazložio Izvještaj koji je ona utvrdila na svojoj 3. sjednici, održanoj 22.06.2022. godine, a koji se odnosi na imenovanje članova Nezavisnog odbora. Izvještaj Radne grupe je dostavljen Komisijama oba doma na daljnju procedure dana 29.06.2022.godine.

Radna grupa za izbor i imenovanje Predstavničkog doma i Doma naroda Parlamenta Federacije BiH, u sastavu: Mario Mikulić, Eldar Čomor i Damir Mašić iz Komisije za izbor i imenovanje Predstavničkog doma Parlamenta FBiH, te Alisa Hajdarović, Tomislav Mandić i Goran

Broćeta, iz Komisije za izbor i imenovanje Doma naroda Parlamenta FBiH imala je zadatak da u skladu sa odredbama Zakona o unutrašnjim poslovima Federacije Bosne i Hercegovine ("Službene novine Federacije BiH", broj 81/14) i Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije BiH", broj 12/03, 34/03 i 65/13), utvrdi tekst Javnog konkursa za imenovanje Nezavisnog odbora, razmotri prispjele prijave na javni konkurs i utvrdi da li prijavljeni kandidati ispunjavaju formalne uvjete; zatim obavi razgovor sa kandidatima, sačini listu s užim izborom, te istu predloži Komisijama u daljnju proceduru.

Radna grupa na 1. sjednici, održanoj 12. 04. 2022. godine, nakon konstituisanja, donijela je odluku da se odmah raspiše Javni konkurs za imenovanje članova Nezavisnog odbora, s obzirom da sadašnjim članovima ističe mandat krajem mjeseca maja, te utvrdila tekst Javnog konkursa za imenovanje Nezavisnog odbora. Time su i određeni opći uvjeti a i ograničenja izbora, u skladu sa Zakonom o ministarskim, vladinim i drugim imenovanjima i Zakonom o unutrašnjim poslovima Federacije Bosne i Hercegovine.

Javni konkurs je objavljen u: "Dnevnom avazu" 18. 04. 2022. godine, " Večernjem listu" 19. 04.2022. godine i "Službenim novinama Federacije BiH" broj 30/22 od 20.04.2022. godine .

Na 2. sjednici Radne grupe, održanoj 01.06.2022.godine, nakon otvaranja prispjelih prijava, konstatovano je da su se na Javni konkurs prijavila 23 kandidata, da je 21 prijava pristigla pravovremeno i da su sve prijave bile potpune .Dvije prijave nisu bile pravovremene .Članovi Radne grupe su odlučili da će sve kandidate sa potpunim i pravovremenim prijavama pozvati na intervju.

Na 3. sjednici Radne grupe, koja je održana 22.06.2022.godine, utvrđen je konačni obrazac za ocjenjivanje svakog kandidata pojedinačno koji, osim pitanja o ličnim podacima, sadrži i pitanja vezana za stručnu spremu i obrazovanje te radno iskustvo,izjašnjenje o nacionalnoj pripadnosti, poznavanje rada i nadležnosti Nezavisnog odbora, poznavanje stranog jezika, i dr., te na kraju konačna ocjena kandidata, brojčano izražena od 1-10. Ovaj obrazac je utvrđen kako bi svaki član Radne grupe mogao pojedinačno ocijeniti svakog kandidata koji pristupi intervjuu.

Nakon toga, istog dana, su obavljeni intervjui sa kandidatima.

Članom 48.stavom 1. Zakona o unutrašnjim poslovima propisano je da se Nezavisni odbor imenuje na mandat od četiri godine i da ima sedam članova.

S obzirom da je odredbom člana 48. stavom (4) propisano da sastav Nezavisnog odbora odražava nacionalnu strukturu stanovništva prema posljednjem važećem popisu stanovništva u Bosni i Hercegovini, a da je članom 3. stavom 2.(E) Zakona o ministarskim, vladinim i drugim imenovanjima Federacije Bosne i Hercegovine definirano da pri zapošljavanju odgovorni javni službenik nastoji osigurati da se kod imenovanja na javnu poziciju u pravilu odražava sastav naroda i građana Bosne i Hercegovine, slijedi da , u skladu sa zakonima, sastav Nezavisnog odbora, kada je u pitanju nacionalnost sačinjavaju: 3 člana iz reda Bošnjaka, 2 člana iz reda Hrvata, 1 član iz reda Srba i 1 član iz reda ostalih.

Članom 48. stavom (5) propisano je da prilikom izbora članova Nezavisnog odbora, najmanje dva člana trebaju biti ženskog spola.

Članom 49. stavom (1) propisano je da najmanje jedan član Nezavisnog odbora mora biti diplomirani pravnik, odnosno osoba sa stečenom diplomom visokog obrazovanja pravne struke. Konstatirano je da se od 21 kandidata koji su pozvani na intervju dva kandidata nisu pojavila u zakazanom terminu te su članovi Radne grupe zaključili da su odustali od javnog konkursa.

Intervjuu su pristupili sljedeći kandidati:

1. ZORAN JEVTIĆ
2. DUŠAN GRBIĆ
3. TARIK HUMAČKIĆ
4. BOJANA TODOROVIĆ

5. IVAN CVJETKOVIĆ
6. SENID BEGOVIĆ
7. AMAR HADŽIOMEROVIĆ
8. SEAD BARDAK
9. DRAŽEN MUSTAPIĆ
10. ISMAIL ŠARIĆ
11. NERMIN HALILAGIĆ
12. SENAD HASANSPAHIĆ
13. TOMO LUČIĆ
14. DEJAN ŠETINA
15. MUHAMED MUJAKIĆ
16. ŽELJKA MARKOVIĆ-SEKULIĆ
17. MUAMER DAUTBEGOVIĆ
18. BILJANA ANDRIĆ
19. ELFADA GUTIĆ.

Od 19 kandidata koji su pristupili intervjuu, 4 su žene i 15 muškarci.

Konstatiran je sljedeći nacionalni sastav intervjuiranih kandidata: 9 Bošnjakinja/Bošnjaka; 5 Hrvatica/Hrvata; 3 Srпкиnja/Srba i 2 iz reda ostalih.

Rang –liste kandidata iz reda sva tri naroda i reda ostalih, prema broju osvojenih bodova su:

BOŠNJACI:

1. AMAR HADŽIOMEROVIĆ,
2. MUHAMED MUJAKIĆ,
3. SEAD BARDAK,
4. TARIK HUMAČKIĆ,
5. SENID BEGOVIĆ,
6. SENAD HASANSPAHIĆ,
7. NERMIN HALILAGIĆ,
8. MUAMER DAUTBEGOVIĆ,
9. ISMAIL ŠARIĆ.

HRVATI:

1. DRAŽEN MUSTAPIĆ,
2. IVAN CVJETKOVIĆ,
3. ŽELJKA MARKOVIĆ-SEKULIĆ,
4. BILJANA ANDRIĆ ,
5. TOMO LUČIĆ.

SRBI:

1. BOJANA TODOROVIĆ,
2. DUŠAN GRBIĆ,
3. ZORAN JEVTIĆ.

OSTALI:

1. ELFADA GUTIĆ,

2. DEJAN ŠETINA.

Nakon toga Radna grupa je zaključila da Komisijama za izbor i imenovanje predloži za članove Nezavisnog odbora sedam kandidata sa najvećim brojem osvojenih bodova, a to su :

1. ELFADA GUTIĆ,
2. AMAR HADŽIOMEROVIĆ,
3. MUHAMED MUJAKIĆ,
4. SEAD BARDAK,
5. DRAŽEN MUSTAPIĆ,
6. BOJANA TODOROVIĆ i
7. IVAN CVJETKOVIĆ.

Do predloženih imena kandidata za članove Nezavisnog odbora došlo se na osnovu pregledane kompletne dokumentacije, biografija, kretanja u službi i posebnih saznanja za svakog kandidata ponaosob do kojih se došlo kroz obavljene razgovore sa svakim kandidatom, a također vodeći računa o stručnosti, nacionalnoj zastupljenosti i gender zastupljenosti, što je izričito propisano odredbama zakona.

Nakon rasprave o ovoj tački dnevnog reda, predsjednik Komisije za izbor i imenovanje Mladen Bošković se zahvalio predsjedniku Radne grupe g-dinu Mikuliću na obrazloženom Izvještaju i uputio čestitke svim članovima Radne grupe jer je uspjela završiti posao do isteka mandata sadašnjim članovima Nezavisnog odbora.

S tim u vezi, Komisija je jednoglasno odlučila da predloži i uputi Predstavničkom domu **Prijedlog odluke o imenovanju Nezavisnog odbora, radi donošenja, u sljedećem sastavu:**

1. ELFADA GUTIĆ,
2. AMAR HADŽIOMEROVIĆ,
3. MUHAMED MUJAKIĆ,
4. SEAD BARDAK,
5. DRAŽEN MUSTAPIĆ,
6. BOJANA TODOROVIĆ i
7. IVAN CVJETKOVIĆ.

Prilog Izvještaja:

-Prijedlog odluke

-biografije kandidata

AD-3

Utvrđivanje prijedloga za imenovanje Odbora za žalbe građana

Na početku rasprave o ovoj tački dnevnog reda, predsjednik Komisije za izbor i imenovanje Mladen Bošković dao je riječ predsjedniku Radne grupe Komisija za izbor i imenovanje oba doma Parlamenta FBiH Mariu Mikuliću da obrazloži Izvještaj Radne grupe.

Predsjednik Radne grupe, gospodin Mario Mikulić, upoznao je članove Komisije sa aktivnostima Radne grupe i obrazložio izvještaj koje je ona utvrdila na svojoj 4. sjednici, održanoj

14.07.2022. godine,, a koje se odnosi na imenovanje članova Odbora za žalbe građana. Izvještaj Radne grupe je dostavljen ovim Komisijama oba doma u dalju proceduru dana 21.07.2022.godine.

Radna grupa imala je zadatak, a u skladu sa odredbama Zakona o unutrašnjim poslovima Federacije Bosne i Hercegovine ("Službene novine Federacije BiH", broj 81/14) i Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije BiH", br: 12/03, 34/03 i 65/13) da utvrdi tekst javnog konkursa za imenovanje Odbora za žalbe građana, razmotri prispjele prijave na javni konkurs i utvrdi da li prijavljeni kandidati ispunjavaju formalne uvjete; zatim da obavi razgovor sa kandidatima, sačini listu s užim izborom, te istu predloži Komisijama u daljnju proceduru.

Radna grupa je na 1. sjednici, održanoj 12.04.2022. godine, nakon konstituisanja, donijela odluku da se odmah raspiše Javni konkurs za imenovanje članova Odbora za žalbe građana, s obzirom da sadašnjim članovima ističe mandat krajem mjeseca maja i utvrdila tekst Javnog konkursa za imenovanje Odbora za žalbe građana. Time su određeni uvjeti a i ograničenja izbora, u skladu sa Zakonom.

Javni konkurs je objavljen u: "Dnevnom avazu" 29.04.2022. godine, " Večernjem listu" 28. 04.2022.godine i "Službenim novinama Federacije BiH" broj 34/22 od 06.05.2022. godine.

Na 3. sjednici Radne grupe, održanoj 22.06.2022. godine, nakon otvaranja prispjelih prijava, konstatirano je da se na Javni konkurs za imenovanje Odbora za žalbe građana prijavilo 10 kandidata, da su sve prijave potpune i pravovremene. Radna grupa je odlučila, s obzirom na navedeno, da će sve kandidate sa potpunim i pravovremenim prijavama pozvati na intervju.

Na 4. sjednici Radne grupe, koja je održana 14.07.2022.godine, utvrđen je konačni obrazac za ocjenjivanje svakog kandidata pojedinačno koji, osim pitanja o ličnim podacima, sadrži i pitanja vezana za stručnu spremu i obrazovanje te radni staž i radno iskustvo, nacionalnu pripadnost, poznavanje rada i nadležnosti Odbora za žalbe građana, poznavanje stranog jezika, i dr., te na kraju konačna ocjena kandidata, brojčano izražena od 1-10. Ovaj obrazac je utvrđen kako bi svaki član Radne grupe mogao pojedinačno ocijeniti svakog kandidata koji pristupi intervjuu. Nakon toga su obavljani intervjui sa kandidatima.

Intervjuu su pristupili svi kandidati, sljedećim redom:

1. MUHAMED SMAJIĆ
2. ŽELJKA MARKOVIĆ-SEKULIĆ
3. SUADA BEGIĆ
4. SENAD HASANSPAHIĆ
5. BRKOVIĆ SANELA
6. NERMIN HALILAGIĆ
7. SEMIR ŠUT
8. MARIJA ŠARAVANJA
9. IVAN MILIČEVIĆ
10. DEJAN ŠETINA.

Konstatovan je sljedeći nacionalni sastav intervjuisanih kandidata: 6 Bošnjakinja/Bošnjaka; 2 Hrvatica/Hrvata; 1 iz reda ostalih.

Također je konstatovano da od 10 prijavljenih kandidata su 4 žene a 6 je muškaraca.

Nakon obavljenih intervjua izvršeno je bodovanje i ukupno sabiranje svih ocjena, od svakog člana Radne grupe za svih 10 kandidata, te je formirana rang-lista koja je sastavni dio ovog izvještaja.

Prilikom odabira kandidata Radna grupa je morala ispoštovati Zakon o unutrašnjim poslovima kojim su propisani uslovi za imenovanje članova Odbora za žalbe građana i Zakon o ministarskim, vladinim i drugim imenovanjima.

Članom 77. stavom 1. Zakona o unutrašnjim poslovima propisano je da je Odbor za žalbe građana nezavisno tijelo Parlamenta Federacije koje čine tri člana, od kojih je jedan član državni službenik federalnih tijela uprave, a dva člana predstavnici građana, od kojih je jedan predsjedavajući Odbora.

Stavom 2. propisano je da Odbor imenuje Parlament FBiH, na prijedlog radnih tijela iz člana 47. stav 1. ovog zakona po postupku koji utvrde ta radna tijela.

Stavom 3. propisano je da će sastav Odbora odražavati nacionalnu i spolnu zastupljenost.

Članom 82. propisano je da je mandat Odbora četiri godine i da se ne može obnoviti.

Članom 83. propisani su uslovi za imenovanje i razrješenje članova odbora.

Članovi Odbora biraju se između istaknutih stručnjaka iz područja pravnih ili drugih društvenih nauka, s najmanje pet godina radnog staža nakon stjecanja visoke školske спреме, a predsjedavajući Odbora mora imati najmanje 10 godina radnog iskustva na pravnim poslovima rukovodećeg državnog službenika ili kao sudija ili tužilac.

Članom 3. stavom 2.(E) Zakona o ministarskim, vladinim i drugim imenovanjima Federacije Bosne i Hercegovine definisano je da pri zapošljavanju odgovorni javni službenik nastoji osigurati da se kod imenovanja na javnu poziciju u pravilu odražava sastav naroda i građana Bosne i Hercegovine.

Radna grupa je sačinila rang-listu kandidata po broju osvojenih bodova, kako slijedi:

BOŠNJACI:

1. BRKOVIĆ SANELA
2. SEMIR ŠUT
3. MUHAMED SMAJIĆ
4. NERMIN HALILAGIĆ
5. SENAD HASANSPAHIĆ
6. SUADA BEGIĆ

HRVATI:

1. MARIJA ŠARAVANJA
2. IVAN MILIČEVIĆ

OSTALI:

1. DEJAN ŠETINA.

S tim u vezi, Radna grupa je prilikom odabira članova Odbora za žalbe građana imala 6 Bošnjaka, 2 Hrvata, 0 Srba i 1 iz reda ostalih.

S obzirom na činjenicu da ovo tijelo broji tri člana, za članove su izabrani jedan Bošnjak, jedan Hrvat i jedan iz reda ostalih.

Nadalje, za dva člana su izabrane žene, s obzirom da je bilo potrebno ispoštovati jedan od uslova 10 godina radnog iskustva na rukovodećem položaju i gender komponentu, koji su također obavezne po Zakonu o unutrašnjim poslovima.

Do predloženih imena kandidata za članove Odbora za žalbe građana došlo se na osnovu pregledane kompletne dokumentacije, biografija, kretanja u službi i posebnih saznanja za svakog kandidata ponaosob do kojih se došlo kroz obavljene razgovore sa svakim kandidatom, a također vodeći računa o stručnosti, nacionalnoj zastupljenosti i gender zastupljenosti.

S obzirom na naprijed navedeno, Radna grupa je zaključila da Komisijama sugerira da Domovima predloži za članove Odbora za žalbe građana tri kandidata, kako slijedi:

1. SANELA BRKOVIĆ
2. MARIJA ŠARAVANJA
3. DEJAN ŠETINA.

Nakon rasprave o ovoj tački dnevnog reda, predsjednik Komisije za izbor i imenovanje Mladen Bošković se zahvalio predsjedniku Radne grupe g-dinu Mikuliću na obrazloženom izvještaju te istaknuo da nije lako ispoštovati sve zakonom predviđene kriterije koje trebaju ispunjavati članovi Odbora za žalbe građana.

Komisija je jednoglasno odlučila da podrži prijedlog Radne grupe te predloži i uputi Predstavničkom domu **Prijedlog odluke o imenovanju Odbora za žalbe građana, radi donošenja, u sljedećem sastavu:**

1. SANELA BRKOVIĆ
2. MARIJA ŠARAVANJA
3. DEJAN ŠETINA.

U prilogu izvještaja:

-Prijedlog odluke

-biografije kandidata

AD-4. Tekuća pitanja

U raspravi o ovoj tački dnevnog reda, predsjednik Radne grupe je upoznao članove Komisije za izbor i imenovanje da je Radna grupa raspisala također i Javni konkurs za imenovanje Nadzornog odbora Agencije za privatizaciju u Federaciji Bosne i Hercegovine, koji broji tri člana-predsjednika i dva člana. Radna grupa je na zadnjoj sjednici donijela zaključak da poništi ovaj javni konkurs, iz razloga što se nije prijavio dovoljan broj kandidata.

Za izvjestitelja na sjednici Predstavničkog doma ispred Komisije je određen Mladen Bošković, predsjednik Komisije.

PREDSJEDNIK KOMISIJE

Dr. Mladen Bošković



BIOGRAFIJE KANDIDATA ZA IMENOVANJE NEZAVISNOG ODBORA

1. **ZORAN JEVTIĆ** – rođen 1950.godine, nastanjen u Sarajevu, dipl. politolog od 1975. godine. **Radno iskustvo:** od 1975.-1982. godine zaposlen u Republičkom sekretarijatu za informacije Izvršnog vijeća Skupštine SR BiH, od 1982-1994. godine savjetnik sekretara Izvršnog vijeća Skupštine BiH, od 1995-1999. godine slobodni novinar, 2000. godina v.d. direktor revije za novinarstvo-Jurnalist Sarajevo, od 2001-2004. godine nezaposlen, od 2005-2006. godine uposlenik u Continental film doo, od 2005-2010. godine izabrani član Ureda za pritužbe javnosti MUP-a KS dva mandata, od 2018-2022. godine predsjedavajući Odbora za žalbe građana u FBiH, preko 30 godina radnog iskustva, od 2015. godine penzioner.
2. **GRBIĆ DUŠAN** – rođen 1950.godine, nastanjen u Sarajevu, prof. pedagogije i psihologije od 1975. godine. **Radno iskustvo:** od 1976.-1986. godine vaspitač u Okružnom zatvoru Sarajevo, od 1986.-1989. godine načelnik sektora za vezu, kriptozastitu, upravno- pravne, kadrovske i zajedničke poslove u Opštinskom sekretarijatu za unutrašnje poslove NG Sarajevo, od 1990-1997. godine CBS Sarajevo, od 1997.-2010. godine MUP KS, od 2011.-2015. godine savjetnik ministra u Federalnom ministarstvu unutrašnjih poslova, preko 30 god. radnog iskustva. Član Nezavisnog odbora za izbor i praćenje policijskog komesara MUP-a KS od 2002.-2006. godine, od 2008.-2010. godine predsjednik Policijskog odbora u MUP-u KS, poznavanje stranih jezika:engleski.
3. dr.sci. **TARIK HUMAČKIĆ** – rođen 1965.godine, nastanjen u Sarajevu, dipl.iur. od 1990.god. **Radno iskustvo:** Od 1995. godine voditelj upravnog postupka u Sekretarijatu za urbanizam i stambene poslove Općine Novi Grad, od 1996.-1999. Načelnik odjeljenja uprave za stambena pitanja općina NG, Ilidža, Hadžići, Vogošća, od 1999.-2001. Savjetnik direktora Uprave za stambena pitanja KS, od 2001.-2003.god. Sekretar Ureda za zakonodavstvo Vlade KS, sekretar Vlade KS, docent na Fakultetu za upravu Univerziteta u Sarajevu, član nadzornog odbora KJKP Gras 2006-2010, Predsjednik Nadzornog odbora JP Energotehnika 2006-2010, položen pravosudni ispit 1999. godine, preko 25.g radnog iskustva, poznavanje stranih jezika:engleski.
4. **BOJANA TODOROVIĆ** – rođena 1983.godine, nastanjena u Sarajevu, dipl.iur.od 2009.godine. **Radno iskustvo:** .preko 10 g. radnog iskustva (pripravnica u Sudu BiH, trenutno zaposlena u Federalnom ministarstvu pravde kao stručna saradnica), položen pravosudni ispit 2012. godine, poznavanje stranih jezika:engleski.
5. **IVAN CVJETKOVIĆ** – rođen 1983. godine, nastanjen u Mostaru, dipl.iur. od 2008.god. **Radno iskustvo:** od 2008.godine volonter u zajedničkom

odvjetničkom uredu „Sesar-Čurić-Miletić“ u Mostaru, zatim od 2009.godinu kao pripravnik a od 2013.godine do 2016.godine kao stručni saradnik .Od 2016. godine do danas- sekretar Instituta za medicinsko vještačenje zdravstvenog stanja; preko 13 godina radnog iskustva, položen pravosudni i advokatski ispit, poznavanje stranih jezika:engleski.

6. **SENID BEGOVIĆ** – rođen 1976.godine, nastanjen u Jablanici, dipl. Kriminalista od 2001.god. **Radno iskustvo:** od 2000.-2004. godine službenik u Federalnoj carinskoj upravi pri ministarstvu finansija, od 2004. godine u UINO BIH RC Mostar kao viši stručni saradnik u Grupi za carinsku kontorlu RC Mostar, 22 godine radnog staža, poznavanje stranih jezika:engleski.
7. **DRAŽEN MUSTAPIĆ** – rođen 1977.god. nastanjen u Mostaru, dipl.iur od 2001. godine, mr. pravnih nauka od 2010. godine. **Radno iskustvo:** Od 2001.-2003. godine mlađi inspektor, od 2003-2004. šef Odsjeka za odnose s javnošću, od 2004.-2007. godine predsjednik Disciplinske komisije , od 2007.-2009. godine viši stručni saradnik za upravno rješavanje u drugom stepenu – Odjel pravnih upravnih i poslova stranaca u Ministarstvu unutrašnjih poslova HNK, 2009.-2017. godine šef Odsjeka za pravne, kadrovske i opće poslove u Centru za informiranje i priznavanje dokumenata iz područja visokog obrazovanja BIH, od 2017. godine pomoćnik ministra u Sektoru za opće i administrativne poslove HVO MUP – Ministarstvo za pitanja branitelja HNK, više od 15 godina staža, poznavanje stranih jezika:engleski.
8. **AMAR HADŽIOMEROVIĆ** - rođen 1981.godine, nastanjen u Sarajevu, dipl. lur. od 2006.godine, magistar prava od 2014.godine. **Radno iskustvo:** od 2007.-2014. godine Istražitelj u Državnoj agenciji za istrage i zaštitu, od 2014.-2015. godine Član uprave Aluminij d.d. Mostar-direktor pravnih, kadrovskih i zajedničkih poslova; 2015.-2019. -savjetnik direktora za pravne, kadrovske i zajedničke poslove u Alumijiju d.d.Mostar, 2019.-2020. godine direktor Odjela pravnih, kadrovskih i sigurnosnih poslova u Aluminij d.d. Mostar, jedno vrijeme bio nezaposlen, od 2021. do danas član Ureda za javne nabavke-rukovoditelj filijale- Ured Mostar; preko 14 godina radnog iskustva. Član Nezavisnog odbora, poznavanje stranih jezika:engleski.
9. **SEAD BARDAK**, -rođen 1984.godine, nastanjen u Sarajevu, bachelor kriminalistike od 2008. godine, magistar kriminalistike od 2016.godine.**Radno iskustvo:** Agencija za zaštitu ljudi i imovine Securitas Mobile d.o.o.-suradnik za organizaciju posla; od 2010-2012.godine direktor PJ Sarajevo u Sector security d.o.o.Banja Luka, od 2012.-2013.godine generalni direktor u MP Olimpija d.o.o.Sarajevo, od 2013.-2015.godine branch manager u Securitas BH , od 2015.-2018.godine direktor PJ Sarajevo u Sector security d.o.o. Banja Luka, od 2018.-2019. godine rukovoditelj Odjela za korporativnu sigurnost u Mercator BH,

predsjednik Nezavisnog odbora. Trenutno zaposlenje: Federalno ministarstvo pravde; više od 13 godina radnog iskustva, znanje stranih jezika: engleski i talijanski.

10. **ISMAIL SARIĆ** – rođen 1958. godine, prof. odbrane i sigurnosti od 1998. godine, mr. nauka odbrane i sigurnosti od 2019. godine. **Radno iskustvo:** od 1981. godine uposlenik Instituta za saobraćaj u Sarajevu, od 2000.- 2004. godine inspektor za migracije u Graničnoj policiji i član tima za sprječavanje trgovine ljudima, od 2004. godine uposlenik Ministarstva sigurnosti BiH -šef Odsjeka za graničnu sigurnost više od 17 godina, oko 38 godina radnog iskustva, poznavanje stranih jezika: engleski i francuski.

11. **dr. NERMIN HALILAGIĆ** - rođen 1979. godine, nastanjen u Sarajevu, dipl. kriminalist od 2006. godine, mr. pravnih nauka od 2009. godine, dr. pravnih nauka od 2015. godine. **Radno iskustvo:** od 1999.-2011. godine uposlenik Američke ambasade, 2011.-2014. godine SIPA, profesor na Visokoj školi „Logos centar“ Mostar od 2014. godine, od 2016.-2018. godine profesor na Univerzitetu u Vitezu, od 2017. godine član Odbora za žalbe javnosti Skupštine KS, 2014. godine uposlenik Tužilaštva BiH- stručni saradnik-istražitelj, više od 20 god radnog iskustva, poznavanje stranih jezika: engleski.

12. **TOMO LUČIĆ** – rođen 1971. godine, nastanjen u Mostaru, dipl. iur. od 2007. godine i prvostupnik kriminalistike. **Radno iskustvo** - od 1989.- 2018. godine bio uposlenik Ministarstva unutrašnjih poslova HNK, stručni prvostupnik kriminalistike, više od 5 godina na poslovima sa VSS-a u MUP-u HNK, penzioner od 2018. godine, poznavanje stranih jezika: njemački.

13. **SENAD HASANPAHIĆ** – rođen 1977. godine, nastanjen u Brezi, dipl. kriminalist od 2005. godine, mr. pravnih nauka od 2011. godine, dr. pravnih nauka od 2019. godine. **Radno iskustvo:** od 2007-2008. godine Porezna uprava FBiH, od 2008-2014. godine viši asistent-suradnik u nastavi na Univerzitetu Apeiron Travnik, docent na predmetima Gospodarski kriminal, organizirani kriminal i korupcija i financijske istrage i pranje novca na Univerzitetu u Vitezu, od 2014. godine federalni porezni istražni inspektor u Poreznoj upravi FBiH, više od 14 godina radnog iskustva, poznavanje stranih jezika: engleski.

14. **dr.sc. MUHAMED MUJAKIĆ** – rođen 1981. godine, nastanjen u Sarajevu, dipl. iur. od 2006. **Radno iskustvo:** Od 2005-2007. godine pripravnik u Sudu BiH, od 2007-2015. godine -Ministarstvo sigurnosti BiH-šef Ureda; od 2016. godine pa do danas - Neovisni operator sistema u BiH- rukovoditelj sektora pravnih i regulacijskih poslova, oko 15 god radnog iskustva, iskustvo u Nezavisnom odboru 2007.god., brojne preporuke, certifikati i školovanje u inostranstvu; asistent na Pravnom fakultetu u Sarajevu, poznavanje stranih jezika: engleski jezik.

15. **DEJAN ŠETINA**- rođen 1982.godine, nastanjen u Sarajevu, dipl. politolog od 2007. godine, mag.prava. **Radno iskustvo:** od 01.06.2008.god. do 31.12.2008.god. i od 20.03 do 01.07.2010.god. obavljao poslove sa VSS u Parlamentarnoj skupštini BiH, od 2009-2010. godine Društvo za reviziju i poslovne usluge Revident, od 2010-2011. godina volonter u Računovodstvenoj agenciji Dada.Od 2012. do danas uposlen u Agenciji za finansijske, informatičke i posredničke usluge d.d.Sarajevo,koja je pravni prednik Finansijsko-informatičke agencije i u Finansijsko-informatičkoj agenciji FIA, preko 13 godina radnog iskustva, poznavanje stranih jezika:engleski, njemački i talijanski .
16. **ŽELJKA MARKOVIĆ-SEKULIĆ** – rođena 1960.godine, nastanjena u Zenici, dipl.iur. **Radno iskustvo:** od 1986. godine, referent za pravne poslove u Željezara Zenica, 6 godina, sudac u Općinskom sudu za prekršaje u Zenici 4,5 godine, tajnik Skupštine ZDK 5,5 godina, pomoćnica ravnatelja za pravne poslove u Službi za zajedničke poslove ZE-DO Kantona 11,5 godina, Ravnateljica Službe za zajedničke poslove ZE-DO Kantona 4,5 godina, od 2016. godine zaposlena kao pomoćnica ministra za ljudska prava i izbjeglice BiH, oko 36 godina radnog iskustva, preko 26 godina na rukovodećim poslovima, brojne preporuke i certifikati, od 2014-2017.godine u Nezavisnom odboru ZE-DO Kantona, poznavanje stranih jezika:engleski i francuski.
17. **MUAMER DAUTBEGOVIĆ** - rođen 1978.godine, nastanjen u Sarajevu, dipl.kriminalist od 2005. godine i dipl.iur. **Radno iskustvo:** državni službenik u Poreznoj upravi FBiH od 2011. godine, šef Odsjeka za obavještanje i istrage-Centralni ured Sarajevo, preko 13. godina radnog iskustva, poznavanje stranih jezika:engleski.
18. **BILJANA ANDRIĆ**, rođena 1983.godine, nastanjena u Stocu, dipl.iur.od 2009.godine. **Radno iskustvo:** Od 2010-2011.god. volonter-pripravnik u Općini Stolac, od 2013-2020 stručna saradnica za pravne poslove u „Komunalno“ d.o.o. Stolac, od 2020-2021.god. savjetnica predsjedavajućeg u Parlamentu Federacije BiH, od 2021.godine šef Kabineta potpredsjedavajućeg u Predstavničkom domu PFBiH; preko 10 godina radnog iskustva, poznavanje stranih jezika:engleski.
19. **GUTIĆ ELFADA** – rođena 1977.godine, nastanjena u Sarajevu, dipl.iur. od 2006. **Radno iskustvo:** od 2006.godine pripravnica u Sindikatu državnih službenika i namještenika u FBiH, od 2007-2013. stručna saradnica a od 2007-2013. god. stručna savjetnica u Samostalnom sindikatu državnih službenika i namještenika u organima državne službe u FBiH, od 2016. do danas Članica Odbora državne službe za žalbe FBiH, preko 15.g.radnog iskustva.Članica Nezavisnog odbora, poznavanje stranih jezika:engleski jezik.

PRIJEDLOG

Na osnovu člana 47. stav 1. Zakona o unutrašnjim poslovima Federacije Bosne i Hercegovine („Službene novine Federacije BiH“, br. 81/14) ,Parlament Federacije Bosne i Hercegovine, na sjednici Predstavničkog doma održanoj ____2022.godine i na sjednici Doma naroda, održanoj _____2022.godine, je donio

ODLUKU O IMENOVANJU NEZAVISNOG ODBORA

I.

U Nezavisni odbor imenuju se, na period od četiri godine:

1. ELFADA GUTIĆ
2. AMAR HADŽIOMEROVIĆ
3. MUHAMED MUJAKIĆ
4. SEAD BARDAK
5. DRAŽEN MUSTAPIĆ
6. BOJANA TODOROVIĆ
7. IVAN CVJETKOVIĆ.

II.

Ova odluka bit će objavljena u „Službenim novinama Federacije BiH“.

PF broj: _____
_____2022.godine
S a r a j e v o

**PREDSJEDAVAJUĆI
DOMA NARODA
PARLAMENTA FEDERACIJE BiH**

Tomislav Martinović

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH**

Mirsad Zaimović

BIOGRAFIJE KANDIDATA ODBOR ZA ŽALBE GRAĐANA

1. **Dr.MUHAMED SMAJIĆ**, rođen 1967.godine, nastanjen u Sarajevu, rođen u Kozićima ,Rogatica , zvanje: **dipl.politolog** ,diplomirao 1997. godine na Fakultetu političkih nauka,magistrirao 2002. godine, a doktorirao 2008.godine, doktor nauka iz oblasti sigurnosti.

Radno iskustvo/staž: od 1996-1998 godine načelnik odsjeka za kadrove u Upravi za kadrovske i pravne poslove.

U period od 1999-2005. godine –viši stručni saradnik u Federalnom ministarstvu odbrane, član Sekretarijata Stalnog komiteta za vojna pitanja, šef odsjeka za planiranje; sekretar Ministarstva odbrane Bosne i Hercegovine od 01.06.2005.godine,.

Ukupno radni staž/iskustvo: preko 30 godina radnog staža na poslovima sa visokom stručnom spremom, od toga oko 14 na rukovodećem položaju.

Brojni certifikati i objavljeni akademski, naučni radovi,

Poznavanje stranih jezika:znanje engleskog jezika aktivno i francuskog jezika pasivno.

2. **ŽELJKA MARKOVIĆ-SEKULIĆ**, rođena: 1960.godine u Zenici,nastanjena u Zenici, **dipl.pravnica**, VSS-VII stupanj,Univerzitet u Sarajevu od 1985.godine

Radni staž-iskustvo:referent za pravne poslove Željezara "Zenica" d.o.o. Zenica 6 godina; sudac za prekršaje u Općinskom sudu za prekršaje u Zenici 4,5 godina; sekretar Skupštine Zeničko-Dobojskog kantona 5,5 godina;pomoćnica direktora u Službi za zajedničke poslove Zeničko – Dobojskog kantona 11,5 godina; 4, 5 godina-direktorica iste službe; pomoćnik Ministra za ljudska prava i izbjeglice Bosne i Hercegovine .

Ukupno radni staž/iskustvo:36 godina radnog staža u struci,od toga:26 godina na rukovodnim pozicijama, u državnoj službi u javnoj upravi 20 godina; sudska vlast:4,5 godina; zakonodavna vlast:5,5 godina; i privreda:6 godina.

Brojni certifikati i završene obuke.

Poznavanje stranih jezika: engleski i francuski.

3. **SUADA BEGIĆ**, rođena 1955.godine u Vlasenici, nastanjena u Tuzli, **dipl.pravnica** od 1977.godine-Univerzitet u Sarajevu, **Radni staž/iskustvo:**UPI Sarajevo 1978.g. -RO-Vlasenica, preko 5 mjesec; od 1978.godine do 1992 godine radno iskustvo u ŠIPAD Sarajevo RO birač Vlasenica OOUR Zeleni Jadar Srebrenica-rukovoditelj službe.

Od 1998. godine do 2020. godine obavljala poslove sekretara tužilaštva, odnosno Kantonalnog tužilaštva, u ukupnom trajanju preko 21 godine.

Ukupni radni staž/iskustvo:preko 37 godina radnog staža, preko 21 godinu rukovodeći poslovi.

4. **Dr.sci.SENAD HASANSPAHIĆ**, rođen 1977.godine u Sarajevu, nastanjen u Brezi, **dipl.kriminalist** od 2004.g; mag.od 2010, 2019.g-dr.pravnih nauka.
Radni staž/iskustvo:u razdoblju od 2007-2008. godine radio u Poreznoj upravi Federacije BiH , u Centralnom odsjeku za istrage, nakon toga u Otvoreni univerzitet Apeiron do 2010.godine., kao asistent na kaznenoj grupi predmeta.Od 2010.-2014. godine stalno angažiran na Sveučilištu Vitez u Travniku , na katedri kaznenih predmeta .
U razdoblju od 2014. godine ponovno zasniva radni odnos u Poreznoj upravi Federacije BiH , u sektoru za inspekcijski nadzor , obavještavanje i istrage , gdje radi na poslovima Federalnog poreznog istražnog ispektora. Ukupno: preko 14 godina, od toga preko 7 godina u Poreznoj upravi Federacije BiH.
Brojni objavljeni radovi , zahvalnica Ministarstva pravosuđa SAD-a.
Ukupni radni staž/iskustvo: preko 17 godina radnog staža.
Poznavanje stranih jezika:aktivno znanje engleskog jezika

5. **BRKOVIĆ SANELA**, rođena 1968 u Han-Pijesku , nastanjena u Sarajevu, **dipl.iur.** od 1993.
Radni staž/iskustvo: u Sekretarijatu za upravu i propise Grada Sarajeva, kasnije Kantona Sarajevo u Ministarstvu pravde i uprave Kantona, stručni saradnik; od 1999. godine pomoćnik direktora za pravne poslove u Fondu Kantona Sarajevo za izgradnju stanova za članove porodica šehida i poginulih boraca, ratne vojne invalide , demobilizirane borce i prognane osobe., do današnjeg dana.
Položen stručni upravni ispit.1995, a pravosudni ispit:1998.godine.
Ukupni radni staž/iskustvo: 28 godina radnog staža, od čega 23 godine na rukovodećoj poziciji.
-Članica je brojnih komisija , u periodu od 1998.godine do 2000. godine Vlada Kantona Sarajevo ju je imenovala za člana, odnosno **predsjednika Drugostepene disciplinske komisije..**
Također, od 2003. godine imenovana je za **člana Ureda za pritužbe javnosti u Ministarstvu unutarnjih poslova Kantona Sarajevo.**
Također, sudjelovala je u upravnom rješavanju iz oblasti radnih odnosa, vodila prvostepene i drugostepene disciplinske postupke,zastupala na sudu kao punomoćnik direktora u postupcima pred sudovima.
Poznavanje stranih jezika:engleski.

6. **dr.NERMIN HALILAGIĆ**, rođen 1979.godine u Sarajevu,nastanjen u Sarajevu, 71 000 Sarajevo, **dipl.kriminalist** od 2006. godine, mr. pravnih nauka od 2009. godine, dr. pravnih nauka od 2015. godine. **Radno iskustvo:** od 1999.-2011. godine uposlenik Američke ambasade, 2011.-2014. godine Državna agencija za istrage i zaštitu- SIPA, profesor na Visokoj školi „Logos centar“ Mostar od 2014. godine, od 2016.-2018. godine profesor na Sveučilištu/ Univerzitetu u Vitezu;od 2017.-2021. i od 2021-godine član Odbora za žalbe javnosti Skupštine KS, 2014. godine uposlenik Tužiteljstva BiH- stručni suradnik-istražitelj, više od 20 god radnog iskustva.
autor nekoliko knjiga iz oblasti krivičnog prava i međunarodnog krivičnog prava.

Ukupni radni staž/iskustvo: preko 20 godina radnog iskustva , nema radno iskustvo na rukovodećim položajima.

Poznavanje stranih jezika: engleski.

7. **SEMIR ŠUT**, rođen 1968. godine u Zenici, nastanjen u Zenici, kriminalista od 1998. godine, **dipl.kriminalista** od 2001. godine i mag.kriminalističkih nauka od 2010.godine.

Radni staž/ iskustvo: do 2002. godine-vještak za grafologiju; od 2002-2003.godine-inspektor policije u Inspektoratu u Upravi policije MUP-a ZE-DO kantona, od 2003.-2011.godine godine –komandir Jedinice policije za podršku (Specijalna policijska jedinica).2011.godine dobija čin Glavnog inspektora,od 2011.-2021. godine-policijski komesar MUP-a ZDK.

Dobitnik je Zlatne policijske značke, Zlatne policijske značke Federalne uprave policije.

Ukupni radni staž/iskustvo :33 godine radnog staža, 12 godina radnog staža na poslovima sa VSS, nema na rukovodećim položajima.

8. **IVAN MILIČEVIĆ**, rođen 1983.godine u Travniku, nastanjen u Mostaru, **dipl.iur.** od 2008.godine.Od 2008.-2009. g-pripravnik u Imovinsko-pravnoj službi Općine Gornji Vakuf-Uskoplje. 2010.g-T-Inženjering Uskoplje;od 2010.-2019.godine JP "Šume Hercegovačko-Neretvanske "d.o.o. Mostar..Od 2019. godine do danas-sekretar Predstavničkog doma Parlamenta Federacije BiH.

Ukupni radni staž/iskustvo: preko 13 godina radnog staža, od toga preko 10 godina na rukovodećim položajima.

Poznavanje stranih jezika: engleski i njemački.

9. **MARIJA ŠARAVANJA**,rođena 1966.godine u Mostaru, nastanjena u Mostaru. **dipl.iur.**od 2009.godine.Od 2012.godine obavlja poslove stručnog savjetnika za normativno-pravne i studijsko-analitičke poslove u Uredu za zakonodavstvo Vlade Hercegovačko-Neretvanske županije-kantona .

Ukupno radno iskustvo/staž: preko 33 godine radnog staža, oko 12 godina sa VSS; nema na rukovodećim položajima

Poznavanje stranih jezika:engleski.

- 10.**DEJAN ŠETINA**, rođen u Sarajevu 1982. godine,nastanjen u Sarajevu, **dipl.politolog** iz oblasti sigurnosti od 2006.godine.**Radno iskustvo/staž:** od 01.06.2008.god. do 31.12.2008.god. i od 20.03 do 01.07.2010.god. obavljao poslove sa VSS u Parlamentarnoj skupštini BiH, od 2009-2010. godine Društvo za reviziju i poslovne usluge Revident, od 2010-2011. godina volonter u Računovodstvenoj agenciji Dada.Od 2012. godine do danas uposlen u Agenciji za finansijske, informatičke i posredničke usluge d.d.Sarajevo,koja je pravni prednik Finansijsko-informatičke agencije i u Finansijsko-informatičkoj agenciji FIA, gdje je ostvario ukupni radni staž od preko 10 godina.

Ukupni radni staž/ iskustvo: preko 10 godina radnog staža i 3.9 mjeseci radnog iskustva .

Poznavanje stranih jezika:engleski, njemački i italijanski jezik.

PRIJEDLOG

Na osnovu člana 77. stav 2. Zakona o unutrašnjim poslovima Federacije Bosne i Hercegovine („Službene novine Federacije BiH“, br. 81/14) ,Parlament Federacije Bosne i Hercegovine, na sjednici Predstavničkog doma održanoj ____2022.godine i na sjednici Doma naroda, održanoj _____2022.godine, je donio

ODLUKU O IMENOVANJU ODBORA ZA ŽALBE GRAĐANA

I.

U Odbor za žalbe građana imenuju se na period od četiri godine:

1. SANELA BRKOVIĆ
2. MARIJA ŠARAVANJA
3. DEJAN ŠETINA.

II.

Ova odluka bit će objavljena u „Službenim novinama Federacije BiH“.

PF broj: _____
_____ 2022.godine
S a r a j e v o

**PREDSJEDAVAJUĆI
DOMA NARODA
PARLAMENTA FEDERACIJE BiH**

Tomislav Martinović

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH**

Mirsad Zaimović